

regrinis Legatis indulserit. Tres ferme Urbis partes duobis alluuntur fluminibus, reliqua vero latissima fossa, atque ea multa aqua ex ipsis amnibus corrivata, præcingitur. Urbis etiam ab adverso latere alio flumine, quod *Lausa* dicitur, munita est, id pariter in Moschum paullo infra Urbem evolvitur: Distat hæc a Cracovia Poloniae Metropoli Milliaribus 320. Eam vero anno 1551 Tartari Præcopenfes totâ funditus exusserunt magna multitudine, in tam populosa Vrbe fumo extincta, in ipsa Dominicæ Ascensionis die. Domus ejus universim paullo ante illud incendium ad 41500 fuere numeratæ. Sunt porro in Moscovia præter Metropolim de qua jam diximus, Urbes, duæ quidem Archiepiscopatus, octodecim autem Episcopatus dignitate nobiles. Archiepiscopales sunt *Rostovia* (*Rostov*) & *Novogrodia*. Hæc non multis ante annis totius Moscoviæ Caput fuit. Perpetua quasi hyeme & tenebris longissimarum noctium premitur: nam Polum Arcticum ab Horizonte sexaginta quatuor gradus elevatum videt, sex fere gradibus ipsa Moscha ab Æquatore remotior, qua Cœli ratione solstitii tempore propter exiguas noctes, continuatis fere Solis ardoribus æstare perhibetur. Episcopales sunt *Corsira*, *Reçania*, *Columna*, *Susdalia*, *Casanum* (*Caçan*) in Volgæ ripa a quo Casaniorum Horda nomen ducit, distat a Volgæ Ostio Caspioque Mari quingentis millibus passuum. *Volochda*, *Tveria*, *Smolensko*, *Pleskovia*, *Staritia*, *Sloboda*, *Faroslavvia*, *Wolodimiria*, quæ urbs quoque Regiæ nomen adepta est, eaque ad Ortum Solis ducentis amplius Milliaribus a Moscha distat, eoque sedem Imperii ab strenuis Imperatoribus necessaria ratione translatum ferunt, ut ex propinquo, quum tam bella continenter cum finitimis gererentur, paratiora præsidia adversus Scytharum irruptiones opponerent. *Mosaysko*, *Urbis S. Nicolai* (*S. Nicolas*) *Sugana*, *Vsting* & *Gargapolia*. Emporia totius Regni celeberrima sunt, *Astrachan* ad Mare Caspium, quo Merces Perfarum & Armeniorum deferuntur: & Urbis *S. Nicolai* ad quam Angli & Hollandi navibus commeant, ac Pannos aliasque Merces important, quæ hinc Vologdam transferuntur. Est & supra Casanum centesimo & quinquagesimo milliari ad ingressum amnis Suræ *Surcicum* Opidum, a Basilio conditum, ut in ea solitudine Mercatoribus ac Viatoribus, qui de rebus Tartaricis ac ejus inquietæ gentis moribus proximos Finium Præfectos certiores reddunt, certa & tuta mansio cum tabernis Hospitalibus statueretur. Sunt & aliæ Urbes ac plurima minorum gentium Opida quæ brevitatis studio omittimus. Latatur Moscovia Fluminibus plurimis, inter ea agmen ducunt *Borysthenes*, cujus fontes Herodoto ignoti, sunt ad pagum Moscoviæ *Dniepersko* in silva *Wolkonski*, unde per Lithuaniam & Rusiam defluens, *Smolensko* Opidum & *Kioviam* præterlabitur: postea circa *Chmielnico* recipit Fluvium *Bog*, ac tandem in Euxinum Pontum exoneratur: longitudo ejus est plus 300 Milliarium Germanicorum. *Turuntus* qui & *Rubo* ac *Dwina*. Hic haud procul a fontibus *Borysthenis* ortus, ad Rigâ Livoniæ se in Mare Balthicum exonerat. *Rha* qui & *Volga* & *Edel*; ortum habet è Lacu cognomine, qui xxv Milliaribus a Moschovia abest versus Lithuaniam. Hic cornutis errans flexibus, multisque receptis fluminibus, in Mare Caspium Ostiis Lxx influit. *Tanis* vulgo

Flumina.